

此真言彼等鬼神見持誦人如執金剛大藥  
叉主純一金剛威猛熾盛焰烈火燄四大天

王各執鐵輪鋒利刀劍逐令馳散頭破七分

身體劈裂

若彼鬼魅還本住處彼諸同類不容入衆亦  
不令住阿吒迦縛底大王都城復次羅睺羅  
此難擎大明陀羅尼至心誦持即得遠離王  
賊水火毒氣刀杖曠野山林險難惡道往來

之者一切無畏

復次羅睺羅此難擎大明陀羅尼九十一殃  
伽沙數諸佛已說今說當說具足神通大神  
通者諸天龍藥叉健闡婆阿素洛迦魯荼摩  
護羅識一切群生圍遶禮拜彼諸衆生離一  
切怖皆得安樂

時尊者羅睺羅及諸大衆聞世尊說一心信  
受禮佛而退

大寒林聖難擎陀羅尼經

路十

五

佛說諸行有爲經

三藏傳教大師賜紫沙門法天奉詔譯

如是我聞一時世尊在舍衛國祇樹給孤獨  
園與大苾芻衆千二百五十人俱

尔時世尊告苾芻衆言苾芻一切行遷流如

幻不實不得久住無有定相是顛倒法苾芻  
乃至一切行垢盡無染離一切垢一切衆生  
乃至蠕動及部多等至壽命盡決定殞滅若  
彼無生即當無滅若彼長者婆羅門刹帝利  
種族殊勝豪貴自在財富無量金銀珍寶及  
諸受用無所乏少雖有父母眷屬親姻知識  
更民僮僕皆悉具足至壽命盡亦無能免又  
復刹帝利授權頂已爲大國王得大自在有  
大力勢人民無量大地國土皆悉降伏至壽  
命盡亦復無免又彼仙人林中諸修行者不  
貪於味食諸果實又復遠離果實修諸苦行  
至壽命盡亦復無免又彼修諸十善得生四

大王天忉利天夜摩天覩史多天樂變化天  
他化自在天又復修行禪定得梵身天梵輔  
天大梵天得少光天無量光天極光淨天得  
少淨天無量淨天及偏淨天得無雲天福生  
天廣果天無想有情天又彼阿那舍得無煩  
天無熱天善現天善見天色究竟天又彼厭

礙色身修無邊虛空三昧等得生空無邊處  
識無邊處無所有處非想非非想處彼等諸  
大雖復殊勝非彼不生亦復殞滅若彼三界  
漏盡已作所作遠離重擔遠得已利盡諸有  
結得阿羅漢雖復此身亦當棄捨又彼刀兵  
劫自修一身處於寂淨悟諸因緣得中乘證  
号辟支佛雖復此身亦當棄捨乃至如來應  
正等覺十力廣大四智圓明說法無畏正師  
子吼歷無數勤勞得那羅延身亦復棄捨諸  
苾芻所謂如彼窯師造作坏器盆甕之類雖  
復有成定從破壞又如果熟自當墮落生滅  
之法亦復如是諸苾芻一切有情乃至部多

一切舍識至壽命盡無免斯者如無有生即  
當無滅復說偈言

如來天中天 說是無常法 如坏器不堅  
終趣於破壞 同果熟自落 有情命如是  
苾芻今當知 生滅宜應怖

余時世尊說是經已諸苾芻衆一心信受歡

喜奉行

佛說諸行有爲經

路十

大寒林聖難拏陀羅尼經

獫狐二字音秉胡集名也一名嚙嚙乃可嘲力黨憚汗音惢

反 力登嘒唧子一反下跔丁可驥駄上語偃反

凝及泥乃搜子末願乃頂羽居例乞許

反 反 力東窄兔上蘇沒逃達開脣母肯慶患注

反詩注迺字汎疾上音劈裂見反